



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel
Francofurti Ad Moenum, 1690**

Caput X. (a) Cœlestinus.

[urn:nbn:de:hbz:466:1-74526](#)

C A P U T I X,

Urbanus III. Priori (a) S. Crucis,

Ex parte dilecti filii Abbatis sancti Petri de (b) Romandin ad audientiam nostram per-
venit, quod cum D. de Ter. in (c) infirmitate positus, consentiente uxore ipsius, vo-
tum vovens castitatis monachalem habitum (d) suscepisset, postmodum ab infirmitatis
ipsius liberatus angustia, & prædictam uxorem suam (e) retinuit, & aliam eam defunctam
sibi temere copulavit. Quia vero licet prædictus D. uxore sua remanente in seculo de ju-
read religionem (f) nequiverit proficisci, eam tamen sublatam de medio, votum quidem
factum sine salutis sua periculo nequam potuit violare: m. quat. si verum est, quod as-
seritur, prædictum D. per excommunicationem compellas, ut eam mulierem sine dila-
tatione dimittas, & ad suum monasterium (g) revertatur, de cætero sub regulari habitu Do-
mino serviturus.

N O T A E.

i. (a) *Anæ Cruci.*] Ita etiam legitur in se-
cunda collectione, sub hoc tit. cap. i. Cre-
do monasterium hoc esse canonicorum regularium
Ordinis Augustini; quod extat in diœcesi Pi-
etavieni, de quo Penitotus lib. 2. hisbor. canon.
regul. cap. 33. num. 17. Alia vero, & diversa est mi-
litia Crucelignatorum, quam profiteri poterant,
& crucem allumere viri etiam invitis uxoribus,
ut decrevit Innocentius III. lib. 4. regestr. i 6.
epist. 111.

ii. (b) *De Romandin.*] Ramandui, Ptolomeo te-
ste libro 2. capite 1. sunt populi sub Rotho-
mago, quos Rothomanos esse Volaterranus
scribit: hodie vero Mandui, alias Romandui
dicitur, ut ipse Volaterranus tradit. Apud eos
est monasterium hoc Sancti Petri, Ordinis D.
Benedicti, de quo nonnulla adducit Papiri-
us Mason. in descript. Gall. per flumina,
fol. 77.

(c) *In infirmitate positus.*] De valore profes-
sionis in agitudine emissæ egi in cap. sc̄nt., de
regul.

(d) *Suscepisset.*] Et ita votum solenne fecit
cum emissione professionis in ipso monasterio, alias
si simplex votum esset, licet non honeste, va-
lide tamen mortuam uxorem cum alia matrimonio
contraheret, ut supra probavi in cap. qui-
dam 5.

(e) *Retinuit.*] Non tamen ipsa eum repe-
tabat a monasterio, nec intendebat contra con-
sensum jam prædictum cum ipso cohabitare, ut
nonnulli in praesenti exponebant; unde ingentem
difficultatis molem sibi imponebant, quam dis-
solvere intendit Garaña in capite 1. hoc titul.
num. 3.

(f) *Nequiverit.*] Quia cum juvenis, non so-
lum consentium præstare, verum & similiter reli-
gionem profiteri tenebatur, juxta supradicta in
cap. i.

(g) *Revertatur.*] Quia cum soleniter pro-
fessionem emisisset in ea, non poterat ipsam dese-
tere, ut post repetentes in praesenti docet Basilius
lib. 9. de matrim. cap. 12. nec ipse impugna-
re factum propterea; ex l. post mortem, ff. de
adop. docet Garaña in dict. capite 1. num. 4:
et 5:

C A P U T X.

(a) Cœlestinus.

Consuluit nos G. sacerdos de Sancta Columba, utrum vir mercator, negotiationi, &
uxori propter Deum renuncians, ad religionis habitum transiens, & in eo per an-
num, & amplius moram faciens, uxore sua, postquam ad domum transierat regularē,
de præsenti vita sublatā, secularem habitum resumere valeat, quem dimisit, & aliam du-
cere in uxorem; vel si ductam ei liceat retinere? Cui consultationi taliter duximus re-
spondendum, quod prædictus vir, nec habitum potest abjicere, quem assumpit; nec
aliquam sibi matrimonio copulare. Quod si contraxerit, matrimonium ipsum decre-
vimus dirimendum.

N O T A E.

i. (a) *Cœlestinus.*] Ita etiam habetur in secun-
da collectione, sub hoc titul. cap. 2. nullibi
tamen exprimitur Prælatus, cui rescribat Ponti-
fex, nec liquet, de quo monasterio in præsen-
ti agatur. Varias in hoc textu agnoscunt diffi-
D.D.Gonzal.in Decretal. Tom. III. Pars II.

cultates repentes hic, Garaña in cap. 1. hoc tit.
num. 5. Sanchez de matrim. lib. 7. disputat. 34:
Basilus eod. tract. lib. 9. cap. 11. num. 12. quas
omnes facile dissolvē, si supponas, uxorem in
præsenti specie consensisse, ut maritus monasticam

N n n 2 profess-

professionem emitteret; sed quia senex erat, ipsa uxore contra votum ita solenniter emissum matrimonium contrahere, ut in textu antecedenti notatur.

C A P U T X I.

(a) Idem.

Charissimus in Christo filius noster R. (b) Rex Illustris Suevorum Apostolatus nostro literis, & nuntio humiliter nunciavit, quod cum esset adolescentis, & dilecta uxor eius iuvenula, mutua fide voto contrahendi legitimi matrimonii se adstringentes, invicem consensum suum, accedente (c) voluntate parentum, arrarum donatione roboraverunt. Postmodum vero claræ memorie N. patre suo ab inimicis occiso, cum per bellorum adversitatem undique premeretur, & habito cum hostibus suis congressu, viitus, fugatusque fuisset; quia timebat, ne ipsa sponsa ab inimicis suis per violentiam raperetur, & alias similis ei non inveniretur in Regno, quam sibi posset matrimonialiter copulare: de suorum, & ejusdem sponsæ consilio factum est, quod in conventu habitum sanctimonialium monasticum fine proposito perpetualiter retinendi suscepit, & ibidem per aliquot annos moram fecit, ne quid ab inimicis in iuria pateretur. Quam cum pace redditâ, & obtento de inimicis triumpho, solenniter duxisset, cum grandi exultatione uxorem, & ex ea filios suscepisset, unum eorum de communi consensu, & electione Principum Sueviae in Regnum sibi instituit successorem: procedente vero tempore, praedicta uxor gravi infirmitate correpta, cum se de hac vita crederet decessuram, timore mortis inducta, continentiam vovit. Cumque Rex ipse nolle etiam contrastare, concessit ad (d) tempus; nunc autem se contine proponit non posse; & quod licet posse fieri arbitratur, ad thorum uxoris sua cupit redire: & ad reprimendas amulorum suorum detractiones, & obloquia, petiit a nobis dari sibi in mandatis, ut uxorem suam auctoritatem nostra maritali affectione pertractet, non obstante voto continentia in causa ab ipsa emisso; & ab eodem Rege ad tempus approbat. Verum quia super his nos ad plenum non potuimus elicere veritatem, f. t. cognitionem eorum, & decisionem canonica duximus committendam, per A. f. m. ut super his inquiratis diligenter veritatem; & si vobis constiterit, quod praedicta mulier primò fuit inter moniales recepta timore violentiae, & rapinae, & propositum profitebatur se habuisse nubendi, cum inter eas moram faceret, praesertim cum postmodum in facie Ecclesie publice Reginupserit, & usque ad hanc tempora cohabitando, filios ex ea suscepit, eam denuntiatis praefato monasterio non teneri; non enim factum illud contractum matrimonii potest dirimere, et si forte posset matrimonium contrahendum impedire. De alio vero ita solicite discretio fraternalis vestra discussiat, quod si inveneritis eandem gravi infirmitate depressam, continentiam vovisse, & virum ejus ad tempus præbuisse contentum, maxime si non idem vir perquam continentiam voverit perpetuam, eandem viro coabitare facias, & invicem utrumque maritali affectione tractare.

N O T A E.

(a) **C**elestinus.] Ita etiam legitur in secunda collectione, sub hoc titul. cap. 3. nullib[us] tamen exprimitur, quibus Praelatis Pontifex scribat.

(b) **Rex Illustris Suevorum.**] Non accipias textum hunc de Suevis, & eorum Rege, quorum Imperium in Gallecia duravit per 174 annos, donec a Leo Vigildo Gothorum Rege eorum Regnum deletum fuit, & in Gothos translatum anno 585, ut referunt Sanctus Isidorus in chron. Suevor. Roderic. Tolet. de rebus Hisp. lib. 2. cap. 14. & in hisl. Suevor. cap. 2. Ioan. Valsus in chron. Hisp. anno 584. Olaus Magnus lib. 16. hist. Goth. cap. 9. Sahabedra in chron. Goth. cap. 15. unde cum ultimus eorum Rex Mirus dictus decessisset anno 584. non potest

rat temporibus Celestini III. reperiit Rex Richardus, de quo in praesenti. Agitur ergo in hoc textu de Rege Sueviae, cuius Regnum est ultra quinquaginta quintum Septentrionalis latitudinis gradum ad mille Italica millaria, quæ latissimum est, usque ad septuagesimum secundum gradum extendit; longitudo mille quinquaginta non extedit. Regnum fuit olim incolarum multitudine plenum: Regiam dignitatem electivam antea, possea hereditariam fecit, ut plura adducentes de Suevis, & eorum nobilitate tradunt Cyriacus Spanemberger, Martinus Crufus, Ceilurus, ejus gentis scriptores, & Bucelinus tom. I. German. sacra, fol. 6. & tom. 3. fol. 12.

(c) **Voluntate parentum.**] De consensu parentum